

歸德府志序



歸德以州改郡於今百十
五年司李者近三十人其
中最著者明嘉靖中吳公
明卿天啓中萬公茹余崇

歸德府志

符序

禎中成公寶慈三君子氣
節重於朝端循良昭於雪
園而文采風流照耀一時
余於

今上戊戌承

簡書來蒞於茲搜故實訪遺
老其善政嘉猷種種可紀
會

太守宋公念宋爲文獻之
區兵火焚燬集舊志而刪

續之惟公惟慎以天地鬼
神自度余陋拙共襄其事
庚子冬告成竊思宋雖濱
河而明以三百年昇平養
之教之富庶夙成且世家

林立人文蔚起遂興足於
三吳明末時李寇破戮袁
寇盤據汴河之南五郡鞠
爲茂草

門
革之初稍爲招來而地以

曠而蕪人以逃而寡俗以
奢而匱訟以貧窘而誕穀
以多鬻而賤余拮据不遑
求如三君子之時昇平無
事明刑卽以弼教日與百

姓講解明洪武孝順父母
六諭月與士子課業於宋
文正公講院雍容暇裕何
可得也客歲季夏大雨彌
月水延數百里餓殍流亡
載道余奉

兩臺之檄拮据勸輸賑粥
自十一月至今四月活者
數十萬人今甫有稼穡民
漸安戢然明刑弼教匪異

人任不敢不如三君子日
與百姓講解六諭月與士
子課業黽勉不怠也司馬
遷曰高山仰止景行行止
雖不能至心嚮往之余服

歸德府志

符序


五

膺之

順治庚子初冬之吉

賜進士出身歸德府推官符

應琦毅齋甫識



郡志序

自班孟堅志地理而著述
家祖之邑自爲載郡自爲
紀皆命之曰志志也者經
之系而史之翼也何言乎

歸德府志

杜序

一

經之系風土之宜權輿于
禹貢方輿之廣備載于職
方于是乎察風土則有志
攷輿圖則有志何言乎史
之翼列國有乘詳人物之

淑慝春秋垂戒表政治之得失于是乎別人物則有志道政事則有志斯數者皆經史之微旨而脩志者之所必備也然而無其人

歸德府志序

杜序

二

則不舉有其人矣無其時亦不舉有其人與其時矣上無法古之天子下無採風之大臣則終不舉何也脩志而無其人博者或繁

而不整鄙者或踈而有漏
諛者炫竒吊詭以逞華邪
者黨同伐異而亂真有其
人而無其時車書未同則
星野之分難稽版圖未一

則疆域之制或淆一人而
初終異其操則論不定一
事而今昔殊其勢則理難
齊有其人與其時而上不
法古則裨官黃衣皆得秘

其議下不採風則揮人小
史皆得擅其文雖輜軒所
及而趨起無歸卽耳目所
眩而旁魄尤晦甚矣志之
難脩也他不具論卽勝國

歸德府志序

杜序

四

三百年間提封之廣可謂
極矣而一統志之成草創
于洪武更定于景泰嘉靖
以後復有桂文襄鄭端簡
輩相與斟酌而損益之比

之前代可稱詳洽然攷其
當日皆自邑上之郡郡上
之省而後彙于京師付之
史館猶必更歷數巨公而
始成則是郡邑之志又一

歸德府志序

杜序

五

統志之根柢也脩志固難
而脩郡邑之志尤難今我
家膺曆受符臂指萬方十
有七年混一區夏

撫五帝三王之舊宇擴

禹貢職方之新圖而豫撫
賈公憫徃史散軼下檄郡
縣選方正博雅之儒給筆
札資廩餼以慎重厥典而
鄉屬九邑孝廉文學各爲
紀載越一周歲郡乘浩繁
未會其全迨我

太守宋公以從

龍之彥負著作之才一蒞茲
土卽徵郡之名宿有史學

者釐定之而自與

司理符公討論故實研精
汰濁以董其成遴擇公而
委任耑諸君子故得斥陳
引新芟繁就簡不數月而

歸德府志序

杜序

七

告竣事宋固濱河之區

別駕江公雖拮据河平川

澤之攷雅有監裁惟永盛

半刺糧務田賦高下多所

未辨乃得躬逢其盛猗歟

休哉夫以數千年幾熄之
跡與數十人難竟之業而
今煥然爲一代掌故之書
則其人與時之相際上與
下之相求亦約畧可睹矣

今讀其書見其墳壚黎赤
草木虫魚之細山藪陂津
男女畜耋之煩政治風俗
奢儉緩急之故天文形勢
封疆阨塞之關文獻之所

徵靈異之所萃一披覽而
無不瞭若指掌非綜經合
史烏能度越前代若此哉
永盛固陋不敢贊一辭但
校之嘉靖李公嵩志體裁
詳畧固有間矣異日

歸德府志序

杜序

九

天子命史臣纂脩全志知必

于是乎取材焉耳

歸德府通判杜永盛代山如

甫識



歸德府志序

歸德明初爲州嘉靖二十四年改爲府又二十年而李公嵩爲志迄今百年矣今上御極之十五年

歸德府志

序

大中丞賈公念中原爲河圖洛書文章之府檄下纂修當事者以兵火之餘文獻彫謝舊志多滅沒不可讀遂遷延未就十七年季

夏余以謏陋來蒞於茲思

文獻爲一郡政治之先務

諸端未遑急裒集之廣徵

旁稽詳覈實錄竭日夜之

力以襄厥事越季秋而志

歸德府志

序

二

成按舊志約者八地理紀

山川城廓今昔之蹟土風

之畧而刊迂陋學校列政

教所出而黜異端田賦以

正疆界明欺隱祠祀匪在

制興關民義者罔攸錄官
師善者著之而在事者雖
善未敢論贊人物以論世
而符輿情選舉以彙征而
乘邦獻雜誌以存遺而資

考稽此八者得史之大體
矣昔李公以文學名於海
內與西蜀楊公慎太倉王
公世貞爲石交故所志得
史之大體余一遵前規首